

TIAK TE KAX'ĂMI'

¹ Ũgmũn Tiak. Topa pu 'ăte hăpxopmăhă', xix yũmũg xuxyă Yeyox Kunnix pu 'ăte hăpxopmăhă', tu Topa yõg tikmũ'ũn te hăpxexka xohix tu' pip xop pu 'ăneo.

'Ăkuxa yũm ka'ok, nũy tu hămyũmmũg

² Ũkxape xop, 'ăkuxa hittup 'ihă 'ăxũy xexka',

³ yă 'ăkuxa măm ka'ok, hu' xũy'ax hă' tot, nũy Topa yõg putat xak hok,

⁴ nũy 'ămõg kuma 'ămõg, nũy Topa hă 'ăxiptap xop, nũy tu hăpxopmă max xe'e'.

⁵ Tikmũ'ũn te hămyũmmũg hok, puxix Topa tu' xax, pu tu hămyũmmũgă', ha Topa hittup, tu hămyũmmũgă punethok, tu mõktu xohix, yă Topa mũn max, tu' hok hă tikmũ'ũn xohix pu hămyũmmũgăhă',

⁶ yĩy ta tu' xax, 'ihă 'ăkuxa yũm ka'ok 'õm kopah, tu 'ikopit hok. Tikmũ'ũn kuxa yũm hok te kõnăg xexka mahap'ax putuk, tu' kuxa kopa mahapnăm, tu' yũm 'ohnăg.

⁷ Topa te nõm xop pu hămyũmmũgă 'ohnăg,

⁸ 'ũpu'uk hah, 'ap-tox puxet'ah Kunnix putox mũtik, 'ap hăpxopmă'ax yũmmũg'ah.

'Ũp-texop xexka xi' hok xop

⁹ Pũyăk xape hok hittup, 'ihă Topa te nõm ha hămmaxnăhă'.

¹⁰ Pũyăk xape tup-texop hittup kamah, 'ihă Topa te hămhõgnăgăhă'. Yă' yõg tayũmak yăyxaogă'ax, tu mõktu' xok, tu mĩnnut puxet putuk, 'ũhok tu'.

11 Mãyõn ka'ok, tu mĩxux mõi'hap, ha' nak, tu tapmãhã', yĩy mĩnnut nãhã hãm tu', tu' mãm, tu' nõg, ha kaxĩy 'ũp-texop xexka xok.

Hãpkummugã'ax

12 Tikmũ'ũn xũy, puxix Topa yõg putat xax hok, pãyã' kuxa hittup. Yã Topa te hãpxopmã'ax xohix kopit, tu' kopit kux, 'ĩhã 'ũhĩnnã xe'ẽgnãg, tu ta tu hãm'ãktux xex, nũy hĩnnã', Topap-tup pax hah.

13 Pũyã tikmũ'ũn Topa kupex hok, 'ĩhã hãpkummuk mĩy putup, 'ĩhã' xũy'ax hã' tot putup'ah, hu: “Topa tek xapit, 'ũ hãpkummuk mĩy,” kaxĩy. Yã' koit. Topa te hãpkummuk mĩy 'ohnãg, tu tikmũ'ũn xapit 'ohnãg, puyĩy hãpkummuk mĩy.

14 Pa tikmũ'ũn te hãpkummuk mĩy, 'ũp-tup tu' mĩy, tu yã mõi'ãmã', nũy mĩy.

15 Tu hãpkummuk pe'paxex, tu' mĩy putup, hu hãpkummuk mĩy, tu' mĩy pax, tu mõi'ktu' xok, tu Topa hã' puknõg xe'e'.

16 'Ũkxape xop, yãy pu koit hok.

17 Topa te mãyõn xop xohix mĩy, tu' mãyõnãg mĩy pexkox tu', yã pexkox yõg hãpxop xohix mãyõnãg. Yã hãmmax xohix Topa te' mĩy, tu pexkox tu yũmũ'ã hãmmaxnãhã'. Yã Topa mũn max xe'ẽgnãg, tu yã yĩnmũn, tu yãy yãnãn 'ohnãg, xix yãyhã' nõy 'ohnãg kamah.

18 tu yũmũg putup, hu' xat, pu yũmũg tut yũmũg put, tu hãpxe'e 'ãktux, ha yũmũg kuxa mãm ka'ok nõm hãm'ãktux kopah, ha yũmũg xe xanãhã', 'ũyĩy yũmũg yãyhã Topak-tok xop te mãxap, pu hãpxop nõy xohix Topa hãk-nãy tu' xop.

Hãm'ãpax, nũy hãpxopmã max

19 'Ūkxape xop, 'ūxaxok hok: 'Ānōy yōg hām'āktux 'āpax punethok, nūy hām'āktux kutōgnāg, yā 'āgāy hok.

20 Tikmū'ūn gāy, puxix hāpxopmā kummuk, ha Topa tep-tup nōg, hāmyok mīy'ax putup tu'.

21 Yīy hāpkummuk mīy hok, xix hāpxopmā kummuk hok, yāy mūn kutōgnāg pe'āpaxeh, yā Topa yōg hām'āktux te 'ākopa' xip, yīy 'īpkox pi', nūy 'ākuxa hi xe'e'.

22 Yāyhā 'āmō'āmā hok. Topa yōg hām'āktux 'āpax, xa 'īpkox pi', nūy hāpxopmā max.

23 Tikmū'ūn te nōm hām'āktux 'āpak, tu' yīpkox hok, puxix tikmū'ūn hāmyūmmūg 'ohnāg putuk, ha 'īypex hā tute yāy pēnāhā', tu yāy pa pēnāhā', tu hāmyūmmūg: Yā yāy pa xe'e',

24 pa putpu' mōg, tu yāy pa xaxok, ha' kux. Ha kaxīy tikmū'ūn te hāmyūmmūg hok te Topa yōg hām'āktux xaxok.

25 Pa tikmū'ūn te hāmyūmmūg, tu' xat'ax max xe'ēgnāg 'āpak, nūy hāmyūmmūg max, puyi' māynāg mīy, puxi' xat'ax hāmyūmmūgā', puyīy tu' hi' xe'e. Topa te nōm tikmū'ūn ha hāmmaxnāp-tup.

26 Tikmū'ūn te: “Ūgkuxa te Topa xak,” kaxīy, pāyā' yīy kummuk pax, puxix tu Topa xak 'ohnāg, tu yā yāyhā mō'āmā',

27 Pa tikmū'ūn te Topa yūmūg Tak xak xe'e', puxix 'ūn hok mām xop hā tu tehet, xix kaxxop yāy tak pip hok xop hā tu tehet, nūy nōm ha hāmmaxnā', tu Topa hā' puknōg xop yōg putat kummuk xak, nūy Topa yōg putat hā' mōg kuma' mōg.

2

'Ūxohix yā yāy putuk

¹ Ūkxape xop, 'ākuxa mām ka'ok yūmūg xuxyā Yeyox Kunnix kopah, ha' max xe'ēgnāg, yī' hok xop xix 'ūp-texop xexka putup pax, yā' nōy putuk yūmūg xuxyā pu'.

² Pa tikmū'ūn yāg te' hok xop putup nōg, tup-texop xexka putup pax, hap-texop te 'āxop mūtik yāy tu nū'nāhā' tu' xax max mō'tat, tu pipkup kōnāmōg tat yīpkutok hā', ha tik hok nūn, kamah, tu' xax kummuk mō'tat.

³ Pe 'āxop tep-texop pu: “Yūhūm, nūy nū mīpe max yīmū yūm,” kaxīy. Tu' hok pu: Pe yīy 'āknīhā xihip 'ōnte', pe yā hām tu yūhūm,” kaxīy.

⁴ Puxi', 'āp-tox 2 'ānōy hā, yā 'āxop hā yāy putuk 'ohnāg.

⁵ Ūkxape xop, 'ūg'āpax: Topa te' hok xop yīmōgātux, pu' kuxa mām ka'ok hamūn kopah, nūy yīpkox pi', 'īhā Topa te' xat, Topap-tup pax tu', yā Topa te hām'āktux xex nōm xop mūtik,

⁶ ha 'āxop te' hok xop putup nōg, pāyā pu-texop xexka te xa hāpkummugāhā', tu tik pa te hāmyūmmūg ha 'āmōgāhā', nūy 'ākupeh,

⁷ tu Yeyox Kunnix 'āktux kummuk, ha xa' hōm yāy'āxet'ax. Hap-texop te xa 'āktux kummuk, ha Topa te xa hāmmaxnaha'.

⁸ 'Āxat'ax pu yīpkox pi', puxix hāpxopmā max, ha' xat, hu: “'Ānōy putup pax, xate yāy mūn putup pax putuk,” kaxīy.

⁹ 'Āxop te hām hok xop putup nōg, xip-texop putup pax, 'ūxax pēnā tu', puxix Topa yōg xat'ax

pu 'äyïpkox pip hok, tu hãpkummuk mïy, ha Topa te' kummuk 'ãktux.

¹⁰ Tikmũ'ün te Topa yõg xat'ax puxehnãg pu' yïpkox hok, puxix tu xat'ax xohix pu' yïpkox 'ohnãg. Yã Topa te' xat, pu' xat'ax xohix pu' yïpkox pi'.

¹¹ Ha' xat, hu: 'Ãxonnix hok," kaxïy. Tu xe: "Ûp-tex hok," kaxïy. 'Ap xatep-tex'ah, pãyã' xonnix, puxix 'äyïpkox hok, tu' xat'ax koxyõy.

¹² Topa te 'õg hãpxopmã'ax kopit'ax, yï' xat'ax pu 'äyïpkox pi'. Yã' xat'ax te yũmũ'ã hãmyũmmũgãhã', 'üyïy yũmũg hi xe'e', nũy hãpxopmã max.

¹³ Topa te tikmũ'ün yõg hãpxopmã'ax xohix kopit putup, ha tikmũ'ün te' nõy kuxa ka hok, puxix Topa' ka hok xop kuxa ka hok 'üyãnãn tu', pa tikmũ'ün te' nõy kuxa ka', puxix Topa te nõm xop pu hãpkummugã hok.

Ãkuxa yũm ka'ok nũy hãpxopmã max

¹⁴ 'Ûkxape xop, 'ã' max'ah, yãy kuxa yũm'ax 'ãktux, 'ihã 'ãnõy te 'õg hãpxopmã max pãnã 'ohnãg. Yã 'ãkuxa yũm pu'uk, 'ap 'ãkuxa yũm xe'e'ah.

¹⁵ 'Ãxape xax kummuk, ha putup tep-tex,

¹⁶ ha tu hãpxop hõm 'ohnãg, xix topixxax hõm 'ohnãg, pa: "Pũyã Topa xa hãmmaxnã', xayïy 'ãxit max, nũy 'ãxax max tat kamah," kaxïy,

¹⁷ puxix 'ãkuxa yũm pu'uk, 'ihã 'ãnõy pu hãpxopmã 'ohnãg, 'ap 'ãkuxa yũm xe'e'ah.

¹⁸ Tikmũ'ün te: "Ãkuxa yũm ka'ok, ha 'ãte hãpxopmã max," kaxïy. Yïy 'ãte: Tikmũ'ün te 'ãkuxa yũm'ax pãnã hok, 'ihã xate hãpxopmã 'ohnãg. Pãyã 'ãte hãpxopmã max'ax hã xa' mũg, xayïy pãnã', nũy tuk kuxa yũm ka'ok yũmmũg. Yã hãpxopmã'ax max hã tikmũ'ün te' pãnã'ax," kaxïy.

19 'Ok 'ākuxa yūm ka'ok Topap-xehnāg kopah? Yā' max. Yāmīy kummuk xop kuxa mām ka'ok kamah, tu Topa yīpkutuk, tu yāy nuhuknām 'ūkuxānōg tu'.

20 'Āptox ka'ok, tu hāmyūmmūg 'ohnāg! 'Ākuxa yūm ka'ok, 'ihā hāpxopmā max 'ohnāg, tu' hitop hā 'ākuxa yūm, 'ap puxi'ah.

21 Tep te xīy Topa te mōnāyxop hittap 'Amanām max 'āktux? 'Amanām tek-tok 'Iyak hōm'ax, nūy kuxap hā mō'hap Topa pu', hu Topa te 'Amanām max 'āktux, 'ūyīpkox xip hah.

22 Yūmmūg. 'Amanām kuxa yūm ka'ok Topa kopah, tu' yīpkox xip, tu hāpxopmāhā kamah.

23 Yīy Topa yōg tappet te: 'Amanām kuxa yūm ka'ok Topa kopah, yī' kuxa tupmāhā', pu tu max," kaxīy. Ha Topa te 'Amanām hā' xape'.

24 Yī' yūmmūg. Yā Topa te tikmū'ūn putup pax, 'ūyōg hāxopmā'ax hāp-tup pax, 'ūkuxa yūm ka'ok ha hāpxopmāhā', ha' kuxa tupmāhā'.

25 Xotit Ha'ap te 'Iyaet yōg tik xop hā tu tehet, nōm xop te' puknōg yōg hām pēnā'ax, ha putat nōy ha' mōgāhā', puyīy tu nūmān, yīy hāpxopmā max, ha Topa tep-tup pax.

26 Tikmū'ūn koxuk te' yīn nīm, puxix tikmū'ūn tu xok, hā kaxīy tikmū'ūn kuxa yūm ka'ok, tu hāpxopmā hok, puxi' hi xe'e hok.

3

Tikmū'un yōyxōg

1 'Ūkxape xop: 'Ap max'ah, tikmū'ūn punethok te' nōy xop pu hāmyūmmūgā', 'ihā yāy kotīnnāhā' pip. 'Ūyūmmūgā'ax, puxix Topa' yīkopit putup,

nŭy yŭmmŭg, pĕyā hāmyŭmmŭgā max, pĕyā hāmyŭmmŭgā kummuk.

² Yŭmŭg xohix te hāpkummuk mŭy, ha tikmŭ'ŭn yāy yī'y'ax hā hāpkummuk 'āktux hok, puxix 'ŭmax xe'ēgnāg, tu yāy mōgā max.

³ Tikmŭ'ŭn te kāmānok mōgāhā', tu pipkup kohe te kamānok yīkox kopa' xip hā mōgāhā', pu mōg, ha yŭmŭ'āte yīmŭ' mām, nŭy nō mōg.

⁴ Kamah mīpkox xexka te kōnāg yīmŭ mōg, ha 'āmuuh ka'ok te' mōgāhā', pa tikmŭ'ŭn te mīm kutōgnāg hā' mōgāhā, nŭy nō hāpkux xuhmŭy yīmŭ 'āpep hāmnak hah.

⁵ Ha tikmŭ'ŭn yōyxōg kaxīy, 'ŭk-tōgnāg, pāyā 'ŭyī'y'ax te hāpxopmā xexka'. Kuxap kup kutīgnāg, pāyā hāmhipak xexka mō'xut xexka',

⁶ hā kaxīy 'ŭyōyxōg kutīgnāg, pāyā' yī'y'ax te hāpkummugā xexka', tu Hāmgāyāygnāg yōg kuxap gāy putuk, tu' nōy kuxa tuknōgāhā', tu mōktu kummugā xexka', 'ŭxupmāhīy kummuk tu'.

⁷ Tikmŭ'ŭn te xokxop xohix mŭg'ax xix putuxnāg, xix xokxop yāy hi xip mŭg'ax, xix xokxop yīkŭy mŭg'ax, xix mām xohix mŭg'ax,

⁸ pa tikmŭ'ŭn te' yōyxōg 'ŭm mŭg hok, puyīy tu yīy kux, 'ŭkummuk hah, tu kāyā gāy yōyxōg putuk, tu' yī'y'ax hā' mōy putex.

⁹ Yŭmŭ'āte yāy yī'y'ax hā yŭmŭg Tak Topa max 'āktux, xiknōy mānōg, hu: “Pŭyā Topa xa hāpkummugā,” kaxīy, tu' mānōg, yā Topa te' hep xop xohix mŭy yāymŭn putuk, ha yŭmŭ'āte' xaxok.

¹⁰ Tikmŭ'ŭn yī'y'ax 2, tu Topa pu hām'āktux max, 'īhā' nōy pu hām'āktux kummuk. 'Ūkxape xop, kaxīy 'āktux hok!

11 Kõnãg xupup kox puxet te kõnãg xut, ha kõnãg puxet, pëyã' xuxpex, 'ok pëyã' kohãgnãg, tu kõnãg 2 'ohnãg, pap-xet.

12 Tikmũ'ũn te xupxak xut hok tepta kup tu', tu gõyap xut hok nanũy kup tu'. 'Ãmhok! Yã kaxĩy kõnãg kox kummuk tu kõnãg xuxpex tat 'ohnãg.

Hãmyũmmũg xe'e'

13 Piyã' xip tikmũ'ũn te hãmyũmmũg? 'Ok xip 'ãxop kopa'? Pÿyã hãpxopmã max, tu yãy mũn kutõgnãg pe'paxeh, nũy hãmyũmmũg xexka'.

14 Pa 'âyĩpkumĩy hok, tu yãy mũn xexka pe'ãpaxex hok, xi' koit hok, nũy mõ'ãmã hok, puyĩ' nõy 'ãpe'paxex, hu: "Yã 'õhõm te hãmyũmmũg!" kaxĩy.

15 Yã hãpxopmã'ax kummuk te yãmĩy xop kummuk yõg hãmyũmmũg'ax putuk, xix xokxop yõg, xix Topa hã' puknõg xop yõg hãmyũmmũg'ax putuk. Yã' kummuk.

16 Tikmũ'ũn kummuk te yãy mũn pe'paxex xexka', tu' yĩpkũmĩy, tu tikmũ'ũn xohix kummugãhã', tu' mõgã kummuk, yĩy hãpxopmã kummuk punethok.

17 Topa te pexkox tu' xip, tu hãmyũmmũg xe'ëgnãg, tu yãy yõg tikmũ'ũn pu hãmyũmmũgãhã', puyĩy tikmũ'ũn kuxa tu tup, puyĩy yãytukmĩy kuxyã', puyĩ' kuxa yũm, ha Topa te hãmyũmmũgãhã', nũy hãmmaxnã', nũy tikmũ'ũn hã' xape', tu' kuxa ka', puyĩy hãpxopmã max 'ũyãnãn tu',

18 ha' kuxa yũmmãhã', puyĩy hãmyok mĩy pax.

4

Topa hã' puknõg xop yã 'ãxape hok

1 Teptu yāy tuk-mīy 'ānōy mūtik? 'Āxop te yāy putup'ax kummuk mīy, tu yāykix.

2 Tu hāpxop putup xūy, pāyā' pa hok, hup-tex putup, nūy nōm hāpxop pa', tu 'ānōy yōg hāpxop putup, 'ap pa yūmmūg'ah, hu yāykix, tu Topa tu' xak 'ohnāg, pu xa' hōm.

3 Xate Topa tu' xak, tu' pa 'ohnāg, 'ūxak kummuk tu'. Tu' xak, nūy yāy putup'ax mīy.

4 'Āxop te Topa nīm'ax. Topa hā' puknōg xop te Topap-tup nōg. 'Ok yūmmūg hok xate'? 'Āxop te nōm puknōg xop hā 'āxape', hu ta Topa hā 'āpuknōg kamah.

5 Topa yōg tappet te tikmū'ūn kuxa 'āktux, tu' hitop tu' xuktux 'ohnāg, hu: "Topa te tikmū'ūn kuxa mīy, ha' yīpkūmīy, tup-tex," kaxīy,

6 Pa Topa ka'ok xe'ēgnāg, tu tikmū'ūn kuxa ka'ogāhā', yā Topa yōg tappet te xe: "Tikmū'ūn yāy mūn xexka pe'paxex, puxix Topa putup nōg, pak-tōgnāg xop pu hāmmaxnāhā', nōm xop yāymūn kutōgnāg pe'paxex ha hāmmaxnāhā'," kaxīy.

7 Yīy 'īpkox pi Topa pu', nūy Hāmgāyāgnāg yīpkutuk hok, nūy nōm mūtik kumīy, ha' xupap-tup.

8 'Āxop yā hāpxopmā kummuk xop, 'āpu Topa hā mōg, nūy yīka hā' pip, ha 'āha' nūn putup, nūy 'ākuxa kummuk xit, nūy kuxa max mō'tat 'ūyānān tu'. Hāpkummuk mīy kux, 'āyīm pix putuk, nūy 'ākuxa tup, nūy 'āmax, nūy 'āp-xet Topa kuxa mūtik,

9 'Ākuxa hittup hok, nūy pota punethok, nūy hāpkummuk mīy kux,

10 tu Topa tu' xax, pu mō'ānīynām, nūy 'āka'ogā', ha 'āxexkanāp-tup.

'Ānōy 'āktux kummuk hok

11 'Ūkxape xop, 'ānōy 'āktux kummuk hok, 'ūxuktux kummuk, puxix 'āxop 'ānōy yīkopit, tu Topa yōg xat'ax kopit kamah, yā 'ākummuk. Tikmū'ūn te Topa yōg xat'ax kopit, puxix Topa tu' yīpkox 'ohnāg.

12 Topap-xet te 'āxat, 'ūpa te hāmyūmmūg, tup-xehnāg hā 'ūhep xop xohix yōg hāpxopmā'ax kopit putup, tu tikmū'ūn kuxa kummuk xit'ax, nūy yānān tu' kuxa max tat, tu' kummuk mīy pax xop kix'ax. Yāy 'āpe'āpaxeh hok, nūy 'āxape yōg hāpxopmā'ax kopit, nūy Kunnix yōg xop yīkopit. Kunnix yāp-xet te hāpxopmā'ax xohix kopit, nūy tu hāmyūmmūg, pe yā' max, pe yā' kummuk.

Hāptup pe'āpaxek-tōgnāg

13 'Āxop te: “Pe hōnhā, pa hāptup, kopxik mōg kōmēn tu', nūy nox xhip, nūy hāpxop hāmenex, 'ūyīy tayūmak xexka punethok pop,” kaxīy. Nāy. 'Ūg'āpax:

14 'Āxop te hāptup yōg hāpxopmā'ax yūmmūg 'ohnāg! Tu hāmgōy putuk, yā hōnhā' xip, tu hāpxip kutōgnāg 'īhā yāyxaxogāhā', ha hāpxip kutōgnāg 'īhā 'āxop xakix putup, ha kama yāy xaxogāp-tup.

15 'Āpu hām'āktux kaxīy, hu: “Topa tek putup, kopxik mūg mīy,” kaxīy.

16 Pa 'āxop te yāy mūn xexka pe'āpaxex, tu yāy mūn xexka 'āktux. 'Ap max'ah.

17 Tikmū'ūn te hāpxopmā'ax yūmmūg, tu' mīy hok, puxix hāpxopmā kummuk.

5

'Ūp-texop xexka pu hām'āktux

1 'Āp-texop, 'ūg'āpax nōmhā: 'Āpota punethok putup, 'āxūy tu'.

2 'Ōg tayūmak kunox, ha' kut te 'āxax kunoxyāhā'.

3 'Ōg tayūmak kutut te yāy koxyōy, 'āxupkūmīy hah, ha tikmū'ūn te' pēnāhā', tu 'ākummuk 'āktux putup, 'āxop te tayūmak punethok pop, tu yāy tu' xex.

4 'A 'āxop te 'ōg kāmānat xop pu' pago'ah, 'ūhām'ax yānān tu' pago 'ohnāg, yīy 'āxop kummuk 'āktux, tu Topa xe'ēgnāg pu hām'āktux, ha' xupak. 'Ok 'āxop te' xupak hok?

5 'Āxop te hāpkute'ex, tu 'āmuk xexka punethok mīy hām tu', tu yāy topmāhā', nūy xok, mūnūytut top putuk 'āxok putup, ha Topa te xa hāpkummugāp-tup 'ūyānān tu'.

6 Yā 'āxop te' hok xop kix, ha hāpkummuk mīy 'ohnāg, pāyā' pu'uk, 'ūhok tu', hu' xakix.

Yūmūg xuxyā nūn'ax hip

7 'Ūkxape xop, yūmūg xuxyā pu yūmūg hip, put nū', 'ūxuxyā xop te yāy yōg hāpxop hip, puyīy hāpxop ta punethok nūnnā yāy pef hah, hu tex hip, xix tex ti hip.

8 'Āpu 'ūhip kamah, nūy yūmūg xuxyā hip, ha' nūn putup mō'ka'ok, yīy 'ākuxa tuknōg hok.

9 'Ūkxape xop, 'āxupmāhīy kummuk hok, ka Topa 'āyīy'ax kummuk 'āktux, 'ūpa te hāmyūmmūg tu yūmūg yīka' xip, yā hāpxip kutōgnāg 'īhā' nūn putup.

10 Topa yōg tik xop pe'āpaxeh, nōm xop te Topa pupi hām'āktux, tu tikmū'ūn pu' xuktux, ha Topa te tu yāy 'āxet'ax hōm, ha' xūy'ax hā' tot.

11 Yũmũ'ãte nõm xop 'ãktux max, 'ũxũy'ax hã' tot hah, xix mõnãyxop hittap Yo 'ãktux, yã nõã'tot punethok, yĩy Topa te hamũn ha hãmmaxnãhã', yã Topa mũn max xe'ëgnãg, tu tikmũ'ũn kuxa ka', nũy nõm pu hãmmaxnã'.

12 'Ūkxape xop, 'ãte xa hãpxe'e 'ãktux. Topa 'ãxet'ax 'ãktux hok, 'ĩhã hãm'ãktux xex, xix pexkox 'ãktux hok, xix hãm 'ãktux hok 'ĩhã hãm'ãktux xex. 'Ăpu hãm'ãktux kutõgnãg, hu: "Hamũn," kaxĩy, xix: "Ămhok," kaxĩy. Yã' puxi', ka Topa 'ãkummugã', xate hãm'ãktux kummuk hah.

13 'Ăxũy, 'ãpu mõg, nũy Topa pu hãm'ãktux. 'Ăhittup, 'ãpu 'ãkteh, nũy Topa max 'ãktux.

14 Tikmũ'ũn pakut, puxix tik te 'ãpẽnã max xop xãnã', pu Topa pu hãm'ãktux, nũy tu hep tox pux, 'ũpakut putox tu' pux, puyĩy Topa 'ũhittupmã', yã yũmũg xuxyã te' hõm yãy 'ãxet'ax, pu tikmũ'ũn hittupmã'.

15 Topa pu hãm'ãktux, 'ĩhã' kuxa mãm ka'ok Yeyox kopah, puxix Topa' hittupmã', tu hãpkummuk mĩy'ax xaxogã'ax, pu tu kux.

16 'Ăpu yãy pu 'õg hãpkummuk mĩ'ax 'ãktux, nũy tu yãy pupi hãm'ãktux, puyĩy Topa 'ãhittupmã'. Pũyã' kuxa mãm xop xohix yãy xape xop pupi hãm'ãktux Topa pu'. Ha Topa te tikmũ'ũn yõg hãm'ãktux 'ãpak, ha 'ãxape kuxa te Topa xak, puxix Topa hãm'ãktux 'ãpax.

17 Mõnãyxop hittap 'Enit te Topa pupi hãm'ãktux, tu yũmũg putuk, tu Topa xak, tu nõm mũtik hãm'ãktux ka'ok, tu tu' xak, pu tex hok, ha hãmyãxatumuk 3 hã xi' xahix tex ti 'ohnãg, ha hãmnak mõ'nãhã'.

18 Ha xe Topa tu' xak, ha tex xat, ha' tihì', ha hãpxop punethok nũnnãhã'.

19 'ũkxape xop, 'ãxop te Topa yõg putat xak, ha ta 'ãnõy te putpu 'ãmõgãhã', xayĩy Topa yõg putat hã mõg 'ũxexheh, puxix 'ãnõy xa ha hãmmaxnã'.

20 'Ũxaxok hok: Tikmũ'ũn te' nõy mõ'nĩynãm, puyĩy hãpkummuk mĩy kux, ha ta hãpxopmã max, ha nõm mõgã max Topa yõg pũtat hã, puyĩy hi xe'ẽgnãg. Ha Topa te' yõg hãpkummuk mĩy'ax xax-ogãp-tup, pu tu kux. 'Ap Hãmgãyãgnãg Pet ha' mõg putup'ah 'õhõm. Tu ta tu' kux.

Topa Yōg Tappet New Testament in Maxakalí (BR:mbl:Maxakalí)

copyright © 2011 Wycliffe Bible Translators, Inc.

Language: Maxakalí

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maxakalí

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
a212b59e-62d7-5a38-9773-b0ce1d5b248b